



炊白集



炊臼集

山陰 劉 正誼 戒謀

詩

哭亡室章孺人四律

齊眉好伴忽分開
石闕銜悲夢寐哀
面但盈盈雙淚洗
曾長滾滾百愁埋
漂搖家室秋來柳
零落風懷兩後梅
再世良緣如可結
要堅私誓在泉臺
芳齡二八憶如花
嫁與崔暹不顧家
黽勉有無那可怒
綢繆風雨悉堪誇
珮環為我交遊盡
褕翟憐伊想望差
拚令老鰥兩淚眼
終宵難閉度年華

四十年來隔 兩親羨卿先我侍昏晨腕痕猶帶

東樓痛家居東郭東樓時孺人心力多輸南澗蘋孺人曾以公田十餘畝稅

權子母恢先綠水青山雲結幕蒼松翠竹月為隣望

夫不用身成石等得千秋同穴人

回首當初實惘然生相憐愛忍相捐春風暖洽深

沉院秋氣酸回索寞天蝴蝶花間終是夢鸚哥籠

裡會通禪髻絲搖颺寒霜影佛火蒲團任暮年

賦悼亡者大率寄哀情于遺香斷線宛委先生

乃惓惓於割股與置祭產非以其事為至重而

感有更深歎嗚呼即二事孺人可不朽矣余忝

在姻婭於孺人生平頗得聞其梗槩宛委或嫌

而未盡非余其誰言之孺人姓章氏父懿園公

諱立德官處州雲和學訓導曾祖萃臺公諱為

漢前壬午科舉人官江西永寧縣知縣高祖南

洲公諱穎即先高叔祖文簡公望齡之師劉戡

山公宗周外祖也湛深經術以宇宙綱常為已

任故登其門者咸忠孝自矢戡山公幼孤太夫

人率之依於外家朝夕訓誡俾事事以南洲為

法厥後正色立朝從容就義為千古不磨人物

得母氏與外祖之教居多故章氏南洲公後代

宛委山房集
有碩儒其女子亦無弗嫻內則者懿園公立身
直接南洲而孺人之婦道母儀差足繩太夫人
之武其居母喪也水漿不入口終三年無歡容
父以壽終而孺子泣者徹晝夜致危疾殞身若
夫恤孤寡裘叔姑王伯姒各經營其生死而王
姨母李甥女安頓周旋使無依而有依皆於今
所僅見他如警鷄鳴和熊丸施與三黨諸善行
為衆口所嘖嘖者特餘事耳爨不揆鄙陋用述
所知於後并作哀歌五章敢邀同志諸君子覽
宛委之詩悲其志或詩或文惠以佳篇庶可發

淑媛之幽光而脩輶軒之博採矣

同襟姻弟陶燮拜跋

五哀詩

會稽陶燮菊晚

姑病篤割股肉持藥向姑前從容理笑顏割却股
肉非不痛願姑服之壽萬年至今東郭東樓裡四
壁無塵血痕泚

采蘩采蘋僅終我身有田有田血食千年銖銖而
累之寸寸而積之一身憔悴吾勿辭至今享祀歌
祖澤芬芬苾苾伊誰力

有母有母棄捐中道父年未老弟妹幼小母竟呼

不返日夕長哀叫至今寒食空山中杜鵑朶朶開
愁紅

八十老父病日亟往來百里心惻惻長憾生為女
無以報罔極舅姑沒兮婚嫁畢心不可轉兮身不
足惜洵哉憂能傷人兮遽嬰危疾至今總帳秋風
起嗚咽之聲猶在耳

王姨母李甥女一身孑孑歸無所謀之未得心自
苦送入空門猶負愧施與金錢時下淚謂我非存
孤恤寡聊慰先人於地下至今兩處之門徒細書
功果傳香火

恭輓劉母章孺人

福閩林緒光 餘齋

雙魚忽寄悼亡辭悵望江東失女師夢斷槐安知
是幻吟成炊臼總堪悲曉烏泣和騷人誅夜月光
寒孝婦帷身後親隣都一哭遺徽只在口中碑

前題

長洲徐陶璋 蘅圃

何人金管獨留芳一女偏能握大綱經歲晨昏多
涕泪畢生勤苦半蒸嘗配成國士雙鸞鳥課就佳
兒四鳳凰玉珮無聲庭月冷爭教奉倩不神傷

前題

桐鄉葉祥光 韞菴

孫楚情多淚不乾画屏曾否覩珊珊心傷此日玉

簪折苦憶當年金剪寒報本儘教心力盡登樓猶
剩血痕丹焚香細讀華陽錄始信人生孝行難

割肱篇爲世嫂章孺人賦

長洲宋師曾與亭

於惟孝婦裔出全城溫恭淑慎純孝天成曰嬪於
劉內政克修善事舅姑以順以柔天降之虐姑病
大作晝夜侍側必謹必恪禱祀勿靈莫可救藥割
股割股毀傷莫補將思弗割姑病日危如何如何
涕泗滂沱旁皇屏營取重舍輕乃往東樓神謀鬼
謀我章氏女身歸於劉肉姑之肉雖死無尤捲衣

向前金刀斯抽號泣呼天血流朱殷實肉於盤乃
裹以綿乃切股肉乃入廚房佐以芳馨和以椒薑
爰笑爰語視疾於牀曰得珍羞試嘗其湯一啜而
甘再進而鮮啜之連連枕股而眠醒謂孝婦我病
霍然婦大歡喜事驚閭里可憐弱質遂成痼疾血
氣就衰日甚一日風雨陰寒故痛楚楚弗以告人
并忘其苦謂見我膚如見我姑我膚復完我姑云
徂每一痛至緬懷陳迹宛在目前我心戚戚病呼
兒女曰啓我手九原之下告我父母我盡吾心勿
傳於後爲人所難不求名惟知有親不知有身

天鑒其衷而况於人稽山青青鑑水冷冷設心若
是無忝所生勒之金石薦以香酒日月爭光山川
比壽至矣盡矣是真不朽作歌抒哀再拜稽首

寄哭劉世伯母

長洲閨秀 宋景衛 茂漪

盥讀五哀詩感愴淚痕泚賢哉章太君作配劉夫
子兩家閱閱高駿烈並青史先祖昔治越芳名久
在耳婺星忽掩光致哀良有以淑德不勝書至性
真堪紀百行孝最先太君躬蹈履愛親勿愛身割
股姑病起奉先廣祭田蒸嘗永甘旨傳播山陰道
歷歷稱女士炊臼動劉公情文生滿紙彤管揚懿

徽四方集哀誄嗟余未亡人在室靡他矢世澤惟
忠貞自憐早失恃幸賴繼母慈保護掌珠似吾姑
本女叔許我長相倚父母時往越逢歸會須俟驚
聞姑病危傷心薄命否哀哀夜告天刺血遍十指
天高聽不卑天遠視不邇誠微難感通籲禱乃徒
爾姑病藥未嘗姑沒含未視婦姑兼姑姪何忍竟
如是日盼父母歸潛泣深閨裡因茲發長嘆造物
有殊理君姑藉君生我姑棄我死股肉天可回指
血天所鄙療姑痛亦欣哭姑悲未已俯思天人際
苦樂判彼此不及太君孝那敢太君比千秋垂令

名頌說香頰齒劉公母傷神太君不朽矣

茂漪長洲光祿大夫靜溪公女孫司馬敷倫長女工書善詩許字姑子庠生程玉生方議結襦玉生祖亡書夜悲哭成疾身殞茂漪聞變以死自誓不他適心堅金石守節閨中姑病不得侍湯藥每夜刺指血書疏禱天求代十指皆枯其繼母李夫人亡荆姻好時與茂漪通問至是以詩寄哭真杜鵑枝上
點點血痕也宛委記

恭輓劉世伯母

長洲 宋允哲 原明

寶婺星沉賀監湖共欽劉母有遺模貲捐南畝常
供祖股割東樓克療姑鸞鏡影分鴻案冷熊丸人
去鯉庭孤慚四世講身遥隔敢致靈前一束芻

敬輓章太君

同邑 聞人鍵 大開

悼亡詩卷昨曾開有德誰能更擅才孝行每於難

處見芳徽却向苦中來月明虛室琴初冷霜落寒
林鳥獨哀寄語更生樓外望龍山西去是泉臺

為宛委同學悼亡

同邑 朱悅仁 長人

謫未堪揚賢媛名追維往日若為情芳年相見謙
為嫂佳話嘗聞愛是卿促漏聲中多噩夢孤鸞影
裡少和鳴夜臺莫怨雙星隔婺彩輝輝句踐城

恭輓劉老伯母

諸暨 余 銓 明臺

剖股何痛壯夫或驚營產何勤保無不賡是知誠
孝固為勿成陶柳偕隱薛鳳齊鳴胡不少留蓬島
遽行偁山峩峩澄水盈盈千秋萬古頌夫人名

前題

諸暨 余彪 自天

君不見良子持刀欲割時大星如月群鵲飛君不見妙法留乳去廬墓手植松柏異鳥過君不見賈兒買棺趙家婦北風吹轉南風住千秋彤管頌列女天所助今人所許况復伯鸞義最高偕隱何如翟與陶有子直是李景讓庭訓嚴明常掩藏嗟乎劉母章夫人刲股營田恨不巾厚俸大誥尚未來鶴馭鸞車閨苑回顏烏之鼓世無龔微之老去哭西風嗚呼藏血有時碧滄田有時易夫人榮名磨不滅

前題

諸暨 余文儀 叔子

梁鴻名固大德曜世無倫厚俸天猶靳紙錢淚應辛東樓千古血南澗萬年蘋食報從來遠何須便在身

前題

諸暨 余曾稷

香奩夢斷香難尋剩有餘香泥繡衾未許潘郎詞獨擅却隨荀令恨俱深幃中竒孝真堪羨林下風標更可欽自得遺徽載彤管何須三復斷腸吟

前題

同邑 鍾之模 式林

驚聞德曜謝華堂讀罷哀詞淚兩行六十光陰等

閒度開箱忍見舊縫裳

花開小苑暗傷魂金粟香中手澤存風景不殊人

影失疎簾澹月自黃昏

母所居曰金粟香苑花木皆手植

前題

同邑 王兆榕 蔭干

至孝家聲奕葉芳後先輝映有餘光荔蕉永植千

秋祀臂肉常橫一剪霜孫楚難尋續命縷王哀那

得返魂香至今憂玉鳴珂里頌母多添淚幾行

為宛委學兄悼亡

會稽 傅王露 閻林

聞喪連城寶中情詎忍忘百年風轉燭一夕鬢成

霜釵擘金無色鸞分鏡掩光遙知荀奉倩不哭自

神傷

前題

同邑 王霖 寒山

伉儷人皆重嗟君婦獨賢不堪垂老日還賦悼亡

篇懿行留彤管哀情寄五絃一聲一點淚曾否徹

重泉

讀炊臼集題後

會稽 章大來 太顛

西風洒泪濕衣裳送客聞歌亦斷腸拔鞘至今留

血縷買田終古為蒸嘗深杯獨酌孤花冷遺照閒

看隻影傷見說三生緣未了可能千里到稠桑

前題

會稽 傅仲辰 蒼野

年來蕭瑟類鰥魚每見徽音喜特書
刳臂格天延歲月關心采藻闢菑畬
花飛雨絕悲難盡膠續香招事亦虛
情劇不堪成貌瘁相將鼓缶意何如

龍山之麓四章章十二句

同邑 沈冰壺 清玉

龍山之麓輓章太君也太君慈孝整肅
有古賢媛風予與太君諸子同水乳之
好耳之熟矣故揚其大權而歌之

龍山之麓我新阡道旁過者嘖嘖誦賢太君之
生道墟之里曰嬪于劉相其夫子以治其內則以

調其甘旨以奉我舅姑以睦我娣姒

龍山之麓九九其松侍姑之疾湯藥必躬精誠顯
若泣禱于天願減已算祈姑永年必左股而割之
血流滂然起視姑疾不覺霍然

龍山之麓九九其栢先祖之祀蒸嘗一胾薄田所
給未免局迫擴之恢之廣其阡陌苻藻蘋蘩伊誰
之力洵無愧主婦之職

龍山之麓有杉有檜施及戚黨必周必沛緩急來
告傾筐倒篋巾幘之特男子之槩男子不能流汗
下拜帝有明鑒曰其後必大

恭輓劉太君

蕭山 沈榮鎮 希范

生滅誰能免悠悠未足論考終家事了身化令名
存驥子唯餘骨鴻妻不返魂潛潛流淚滿難報臂
間痕

前題

會稽 范州 漢牧

灌園老伴足幽棲忽地先亡孺仲妻莫向望江橋
上望冷風寒雨正淒迷

教兒王霸妻尤達窺客山濤婦更賢情至不堪回
首處夜臺人去草芊芊

前題

會稽 王駿 聲有

蕭條白髮少齊眉想像徽音異昔時衣袖猶存惟
血染蘋蘩雖盛更誰尸西風孤雁愁邊淚冷月殘
花夢裡思自是黃門腸欲斷不堪炊白數篇詩

前題

上虞 葛成鼎 天龍

雨泣風悲月色蒼濡煤蘸筆淚浪浪先生夙擅安
仁譽垂老何堪賦悼亡

比翼連枝願已乖梁鴻德曜忽分開世間最苦無
過此我亦銷磨精爽來

余夙抱鼓盆之痛末二句用梅宛陵詩

炊白歌為宛委先生作

上虞 徐自信 半坡

炊白兮朝餐柴未燥兮白未乾日既盱兮無煙

炊白兮晚餐明星當戶兮月在欄心熱兮白寒
炊白兮暮暮朝朝孰碎我釜使我憂勞釜苟有知
兮心悲夢遙泣補媧皇兮媧皇笑予以嘒嘒男號
女啼影瀟瀟江山為枯兮風月為焦白不可炊兮
可奈何釜兮釜兮奈若何

前題

會稽 徐金鏞 東序

霜風蕭蕭霜葉寒鄰婦爨熟呼朝餐夢回急喚小
婢子婢子回言饑且死昨夜炊薪薪已空至今鍋
腹如隆冬主人有釜藏何處忍令婢子供炊具主
人聞之發長嘯起視山厨皆破灶前宵有夢豈不

祥曷為占之得奇殃占無釜悲無婦同衾不可期
同穴知何補遺妝剝粉不足惜獨惜臂血為誰滴
將來煮藥并無爐豈徒無釜悲朝食力營蘋藻歆
祀典大宗小宗傳懿範百年祀典恒如新經之營
之今何人賢姝淑媛不可得五哀字字成鏤刻
陶
晚首唱
五哀詩宛公不作鼓盆人弔者紛狂學會哲於是倚
門而歌曰釜與白同一炊炊釜速炊白遲人生百
歲能餘幾黃梁一熟長已矣且聽婢子漫漫煮

輓劉太君

次宛委悼亡
第一詩原韻

同邑 夏廷傑 搢笏

百年連理忽驚開說與旁人也覺哀天上有星窺

影獨人間無地，把愁埋誰持。伐桂搜林斧頓斲，成陰結子梅為想。芳魂應不遠，好隨金母駐瑤臺。

孝婦頌為劉太君作

甥婿 王冠雲 冠雲

猗歟母氏允矣，女宗秉姿端粹。制行溫恭，以大家女作名門婦。肆應其才，一安於素。相夫以道，課子惟勤。力持門戶，志儲風雲。式外無尤，職內不媿。神用旁周，德儀渾遠。有田享祖，乃肉醫姑。人稱孝俠，女中丈夫。而若所為，其何能及。天地格孚，宗靈起立。鴻騫四俊，玉立兩行。用遺繼體，聿發潛光。

輓劉太君敬題炊白集後

甥婿 魯本禮 嘉徵

女蘿附喬木，拜母屢登堂。閨範溫而栗，高門健以當。珮沉江月冷，塵掩鏡鸞翔。觸境都添淚，新詩賦悼亡。

虞虞炊盡日，炊白更凄然。老伴驚相失，孤衾從未眠。一燈兒女聚，百事夢魂牽。慰藉憑何物，龍山有墓田。

哭外母劉太君

子婿 張友德 克明

東樓地西臺，記一痕臂血。千行淚薄羅衫怯，春寒湘管同看金管爭。傳班班生如寓死，終聚中宵。

仙奕泉臺遇卧龍山

外母 塋地

碧霞灣

外大母 塋地

月影同看

珮響爭傳珊珊

右調惜分釵

前題

子婿 俞

漣 鏡繡

追思少小向東村墟里相親阿母棗栗分遺言笑
處暗許松蘿佳偶長歲絲牽時依壺閣遠膝隨斑
袖傳經帷幕周禮毛詩同受 一棹偶適嚴灘叮
嚀別囑似欲乖離久誰料睽違旬日許歸後不堪
回首寶婺無光慈帷寂寂人在蓬萊岫啣哀啜泣
淚珠亂落哀柳 右調酹江月

前題

子婿 醉用健 天行

寒流東去日沉西舊事淒涼不忍題萱萎北堂春
寂寂空留謝豹盡情啼

金剪無情玉臂寒東樓明月鑿悲酸祇今重過焚
香地一縷丹痕掩淚看

空門眷屬劇關情施與金錢涕淚并此日泉臺若
相見多應握手話無生

香留俎豆自年年不分滄桑有變遷憑仗孺人心
力盡從今休嘆士無田

冰心玉映倩誰傳想像儀容一惘然忽地連城歸
舊壁分明人在畫屏前

外母小影被竊歿後重墓百方
難肖夢示舊容隱處一詢得之

前題

子婿陶章堯 平百

已矣吾生孰更憐今朝腸斷影堂前分居子婿纒

三月恩及甥男已廿年舊澤重思難盡述新詩欲

誦不終篇外父近作悼孺人詩夜臺相見慈親處話到微軀定

黯然外母先慈胞姊

季女歸寧甫浹旬不堪回首泪霑巾看夫婦亦時

含笑憶姊妹重為慘神恩以太多無可報感因至

極未能伸最憐一別成長別病裡空呼小字頻

為宛委同學傷逝

會稽金虞廷海查

不復聞參語凄然對兩鰥相看俱默默追記尚班

班遥夜霜衾薄寒天病骨孱此時懷老伴清淚想

同潛

恭輓章太君

會稽魯曾煜秋勝

東郭樓頭泣鬼神腕痕猶帶血痕新更誰忍續昌

黎筆苦向閨中論鄂人指封股事

二南鄭重采蘋詩筐筥由來季女尸却笑王珪好

男子不承明詔築家祠指助葺宗祠及營祀田事

劉家孝綽多賢妹清拔從知數令嫺却為夫人思

季弟重沾宿草淚潛潛謂亡友章華甫夫人季弟也

天涯病客乍還鄉親舊凋零總斷腸又讀詞人炊

白集凍雲寒月共蒼蒼時余從中州歸

十年曾未見劉郎贈我新詩劇不忘重眎乞言餘

涕淚江神嘆重是瀧岡長君來嶽舊贈余詩數絕

前題

會稽王汝為志宣

有美雙珪啓洞天棲遲宛委竝詩仙忽經採藥迷
前路等取栽花失暮年環珮乍歸明月塚琳瑯早
種夕陽田獨憐老鳳多酬倡不和巢人炊白篇
咫尺青山結舊盟少年樂事費逢迎謝蘭對雪吟
多白衛玉聯冰貌倍清自痛道原三錫誅還傷德
耀獨銘旌案頭誰著椒花頌惆悵桃源已歲正

家世全城內德昌母儀頰屬大姑粧雕殘繡臂三
年痛恢擴圭田十葉香再擬蓼莪烏撒子重懷萱
草戢山堂他時子政裁宗譜添得彤書淚幾行

水澄一曲舊門閭奉倩神傷入座餘閣上青藜誰
借讀帳中鴻寶獨傳書畫圖愛寫修眉筆奩鏡悲
看短髻梳堪笑安仁薄倖賦紅顏稱好白頭踈

前題

會稽陶元藻龍溪

花落鶻啼冷玉鈿吟殘楚些泪漣漣悲分菱鏡羞
明月怕說鸞膠續斷絃繡閣春寒雙燕去羅幃夜
靜一燈懸來生還訂藍田會莫化池塘並蒂蓮

前題

會稽 馮雲欽

釵擘鸞分最可嘆夫人懿行更為難春波橋外瀾
回紫玉尺樓頭血染丹黽勉晨昏內治異馨香俎
豆孝心殫堪憐垂老安仁淚洒向西風那得乾

讀炊白集書後

甬東 史 榮 漢桓

宛委山人腹正悲陶生為作五哀辭定知地下傷
賢婦不減人間痛女師老去朋交垂盡日夜來篝
火獨吟時何須向壁看遺挂消得安仁幾首詩

為宛委同學悼亡

會稽 丁 鶴 芝田

我已鰥居三十年巾箱灰冷悼亡編無端更觸安

仁淚祇是難忘德耀賢老去詩人空白髮生來令
子並藍田好花好月幾能久回首當初共惘然

題炊白集後

上虞 陳志學 少亭

宛委先生賦悼亡詩成把卷轉神傷曾聞廬杖君
家制晉劉子真喪耦有廬杖之制不學鼓盆物外狂粉剩遺奩依破
鏡塵封長簟冷空牀惟應淑德流芳遠彤史千秋
姓氏香

恭輓章太君

會稽 商 盤 蒼雨

煖風朱雀語窻紗曾到瑤池阿母家記得酒闌春
晝永隔簾催賦綉球花

雍正癸卯春來嶽昆季留飲新齋太君命賦西洋綉球花詩

青衫一領上身逢夢墨齋頭夜宿時十二年來同

露電鶴泉墓草已離離

曩應歲試屢與太君弟章鶴泉年友宿夢墨齋追憶十二年矣

舊雨論文意最深六陵懷古五燈吟西園公讌詩

如錦費盡夫人纏臂金

宛委先生提倡風雅諸嗣君以文學世其家曾聯西園詩會每遇宴集太君親

為治具六陵五燈會中詩題

彭宣原屬後堂賓况復劉盧是世親忍向十宜樓

上望畫圖金翠總生塵

先家宰等軒公為劉氏外孫至今敦篤夙好十宜樓名

前題

同邑 趙士穀

遙聞賢母已云亡桂醕于今奠北堂環珮聲沉庭
上杳音容想隔夢中傷離鸞一曲悲前遇頌德千

篇景素光異日輶軒降 顧問九原含笑快流芳

前題

同邑 柴 梁 嘯菴

高柔愛婦情何淺奉倩傷神識亦舛賸粉殘脂泣
蕙帷絕少鬚眉多宛轉婦德克修植倫理至性乃
非燕好比割股愈姑甘如飴刻志恢產苦入髓宜
享繁祉錫遐齡不獨林下稱女士食報豈必在生
前中壘作傳名垂史史垂名死亦榮潘楊舊恨俱
銷却千載徽音重璜珩

前題

會稽 茅天載 方升

純孝於今遂復無方成女譜割仙裾西天梵放天

應泣東海誠回海欲枯華表有時鳴獨鶴泉臺何
路寄雙魚曹江專祀堪陪侍碣石千秋永不孤

前題

會稽胡浚希張

叢祠淚濕膜脂白臂上鈎燈映癥赤男兒至性詫
孤行編到簾帷更誰得白楊蕭瑟迷愁烟齋臺德
累中閨賢南洲遠養戢山學針神本受聖緒傳霜
嚴困指姑姨妹黃冊分田崇錫類憑教卓絕播宗
姻猶是鮫人視薰桂老姑病卧短髮蒼抑搔莫起
真膏盲巫醫此日總無效號天密祝神傍徨寸心
碎盡肌寧惜玉截并刀血花滴精誠一片塞元黃

白晝陰森鬼神泣鬻羹入咽螻虫去竒行紛傳感
靈助郭門松菊隱鸞屏共識當時忍艱處毀傷自
來嚴髮膚義因全受生與俱以親歸親復何有真
如煉核還天樞纏綿篤慕長無已垂白惓惓尚孺
子至今滅性痛嚴君仍抱瘡痕爲親死越州內孝
古所徵溺傳盱女饑採菱卧釘弱息鳴冤鼓搯虎
孤娃破汲瓶祇今塊肉追前導應共千巖爭朗耀
但從百行得真原剩羨餘芬更奚較劉郎述哀多
妙辭遠封生紙投東籬宛轉縷叙榻欲活酸風直
射香煤飛鈴歌不用煩言續軼事終期風國俗蘭

臺金管足千秋看詢樓東濡汗竹

為宛委先生悼亡并慰章太君於九京

山陰張麟錫素書

一枝踈影冠群芳不耐東風上下狂玉匣沉沉三尺土土痕都滲腕痕香

寶珠瓔絡綺羅身俗眼驚開滿睫塵夫是老泉兒
軾轍讓他金采繡夫人

輓章太君

會稽施 敞衢次

才子佳人久共誇卓兼福德鬢同華黃泉但訴徐
都講松雪哀思忍得他閨秀徐昭華舊贈太君句曰稱得
佳人配才子不殊松雪管夫人

山陰劉子來嶽與其弟巖雨伊重並以年少負才
工於詩文一時有三劉之目嘗聯同郡十子酬倡
贈答動多振絕其大致要能溯源漢魏而博採兼
取沿流遂及兩宋觀西園詩選可見矣西園之命
名蓋取子建清夜之篇鄴下多才公讌為盛逮至
雅集繪圖而蘇黃之風韻弘長百世矣然則諸君
子命名之意其即諸君子著詩之旨乎世有詆薄
宋人詩為無足尚者則亦未識崑崙派矣十子者
章本成密林李國梁鞏基董相周望周長發蘭坡
商璉又南劉世貴芸文商盤蒼雨合之來嶽昆季

序
而十子之會成其詩集次第付梓而來嶽巖兩伊
重之集適工先竣索余序之余於來嶽昆季之詩
咨賞久矣然猶恐人之疑余私所好也今合郡人
士而得十子十子聯社而劉氏以兄弟居其三不
可謂非才之卓絕者矣往余與來嶽尊甫宛委先
生倡詩巢於鏡曲嚶鳴之好歷三十年而彌盛復
見英賢鵲起聲譽日騰使人讀竇常諸集爲之轉
憶我叔向也於是乎書易堂田易拜序

西園詩選

山陰 劉大申 來嶽

柳村集

詠古

赤帝定江山輕文獨重武我悲食其生鼎烹徒自
取掉舌下齊城筵前聞戰鼓假王意氣高客鬼冤
魂苦所以商山人逍遙不入府朝採山上芝暮臥
山中土

曹公擅威權荀令操謀畫小兒與大兒一一皆臣
僕何來一狂生撾鼓當庭辱雖乏保身資千古畱

西園詩選
芳躅鄙哉阮嗣宗
司馬門前伏白眼
視平人氣量何局促

題王季重先生採薇圖

鬚眉慷慨願猶賒
鷺出鷓啼枉嘆嗟
無地可延孤竹命
有田不種邵平瓜
荒山夜雨長埋骨
破屋秋風早棄家
甲申後公即棄家往孤竹菴
記取採薇遺跡在
何曾沾得

餓夫牙

草服黃冠憔悴姿
畫圖省識起遐思
關心空有勤

王疏

公慷慨上書請以三千兵赴死

齧齒如逢殺賊時

公備兵九江曾殺流賊闖天星於黃梅

天沒兩京森劍戟
人流雙淚哭旌旗
祇今滿地青

青蕨煙雨飄零野老知

送商綺墅北上

焦尾彈成別鶴哀
越江如練一帆開
夢中紅淚離魂斷
愁外青山詩意來
盡遣閒情譜玉笛
爭傳國士上金臺
他時驛路如相憶
手掬寒香遠寄回

隋堤

珠翠丁星殿脚迷
君王擣筆賦楊枝
可憐亂後逢搖落
贏得人間唱好詞

螢苑

一瞬繁華逐逝波
空將滛巧釀干戈
如今螢火非

西園詩選
關放鷓鴣聲中腐草多

玉鈞斜

歇盡迷樓環珮聲西郊一片夕陽橫春風吹出花
如綺可是芳魂剪綵成

梅花閣

瓊枝絳萼倚雲開水部多方乞再來那及西湖林
處士暗香疎影日低徊

天池山人青藤歌

君不見靈和殿裏楊柳枝金絲嫋嫋晨風吹又不
見王家老槐高百尺亭亭如蓋蔭廣宅乃知草木

本無主運亦如其人所處山人高臥稽山側青青
之藤手自植左拏右攫蟠龍蛇翠黛霜皮老顏色
如何大枝屈曲不得伸小枝散漫無收拾誓將喬
木託千秋喬木一摧誰相識可憐夜半風雨時蕭
蕭颯颯吟聲悲堆牆落葉無人掃相對終朝淚滿
衣

和巖雨南湖秋泛之作

偶乘艇子出湖隈萬頃玻璃倦眼開尋菊人從梅
市去採菱舟自画橋來霜收寒色歸林葉水記枯
痕在石臺柔櫓一枝秋月裡兒童新學棹歌回

次韻酬章密林

春來日日掩松關獨有騷人不肯閒問字引將車
似水學書退得筆如山十年朋好稽逢阮一席師
徒孔鑄顏却愧相酬無好咏幾曾新句為君慳
同守蓬門嘆寂寥年年壘塊總難消雲迷淡澗龍
猶臥春入芳林雉亦驕山頂有書藏石室月中無
術度銀橋蛾眉到處逢謠詠悔不從他一樣描

十晚詩 選四

晚邨

偶行郊外路村落夕陽邊雲壓江心水人喧渡口

船昏鴉初擇樹茅屋正飛煙借問持竿叟可容半
榻眠

晚鐘

薄暮僧歸寺鐘聲動梵林高樓纖月上古木亂雲
深自出幽人室彌清靜者心先生猶未睡憑打重
輕音

晚雲

出岫原無意徘徊落照間不隨神女去却與老僧
還樹擁迷離影江畱斷續山孤鴻何所慕帶入荻
蘆灣

晚煙

何處蒼蒼起橫空
冉冉過漁燈
迷浦溆人語隔藤蘿
杳靄山光合
參差屋角多
高樓時縱目
愁殺暮江波

七夕詞

片石支機迹未遙
年年瓜果話清宵
人間亦有乘槎客
浪說天孫藉鵲橋
欹枕高樓倦眼開
雙星歷歷度瑤臺
不知夜半長生殿
曾聽三郎私語來

秋闈赴試垂得復
失金晴溪以詩見慰次

韻酬之

寂守荒江興太孤
問天天亦最難呼
夢中得鹿吾何有
鏡裏看花本自無
大錯已成空鑄鐵
鮫人徒淚敢言珠
多君節取柯亭竹
一曲吹來感路途

送密林之楚尋兄即次感懷原韻

野水蒼茫入望賒
衡陽驚散雁行斜
風塵寄迹同根樹
涕淚關心未摘瓜
總使吹篴終有侶
可堪彈鋏已無家
幾回欲別仍留戀
萬種愁懷上客槎

聞猿

千山深不極
隱隱有猿啼
遙夜雪初下
空林枝漸

西園詩選
低掛藤愁未穩擇木畏終迷我亦悲岐路聞聲自
惓悽

雁影

木脫秋江濶遙遙雁影通一行沙岸上幾曲水痕
中陣落聲何渺書成字亦空漫勞按譜客目送入
雲叢

題韓象文書室

萬卷字撐腸朗吟朝復暮筆底蒼龍飛蓬蓬生烟
霧脉望本無知化作神仙去

送商又南北上四首

選二

識君恨晚別君輕那忍匆匆唱渭城長記西園人
散後疎簾淡月聽蟬鳴
立馬斜陽望遠村連天衰草易黃昏西陵烟水秦
淮月送過江南更斷魂

蘭亭懷古

峻嶺遶輕雲修篁夾危石風和上巳辰少長蘭亭
集當其觴咏時俯仰懷陳迹矧乃千載遙居今而
視昔泉鳴深澗寒月落空山黑繭紙感遺文斯人
邈難得

送家載和之京

西園詩選
離思種愁根西風蕩酒尊相畱竟無術臨別復何
言一路春將暮五樓花正繁未能隨去棹淒絕綠
楊村

小閣覆蘿陰連床日夜吟惟君志江海先我出山
林駿馬黃金骨高人白壁心燕臺有知己不必碎
胡琴

褒貞詩

為未婚守節
楊氏女作

十七幽貞冰雪姿衰衣曾作嫁衣隨滕公城外愁
千結蜀帝聲中淚萬絲鏡匣未窺比翼影枕函空
繡斷腸詩秋風砧杵催人老贏得綸音下玉墀

偶題

縹緲妝樓傍水涯雙扉曾為買花開晚來一陣紗
窗雨紅潤櫻桃綠潤梅

花巷訪鹿池不遇次伊重韻

幽人棲隱處好鳥散疎聲風起飄書卷童來問姓
名閒雲花巷靜斜日草堂明隨意看修竹蒼苔無
限生

遠遊行送吳好山之京陳無波之粵

好山吳子風流客蜀紙揮毫供百幅誰與和者陳
元方琳瑯璀璨稱雙璧綠楊翠竹濃陰路觥籌交

西園詩選
錯天將暮群誇李郭已同舟那識參商仍異度風
吹五兩離思動哀絃別鶴琴三弄壯士曾傳易水
歌美人重結羅浮夢人生聚散等浮萍北轍南轅
到處行獨憐岐路難相伴江樹江雲萬里情

題尹冷邨畫驢四首

選一

寒山遠近總相宜茅店依稀颺酒旗似我十年苦
索句灞橋風雪滿頭時

繡房僧鞋菊

朱闌曲徑衆芳栽菊幻僧鞋重費猜何事東籬霜
下見恍如西域嶺頭來連朝繡鳳畱粧盒頃刻飛

花墮玉臺輸與天工能巧製雨絲風剪日低徊

僧院美人蕉

結根蘭若影離離洗盡塵囂出艷姿紅雪傳心花
自笑綠天染墨種尤奇漫勞脩竹臺隅斥却與疎
梅夢裡宜不是色空空不得老僧正在悟禪時

宜園題壁

何人院宇苦經營曲檻迴欄畫不成三十年來五
易主笑他花鳥太無情
鬼火燐燐照石臺舞衫歌扇竟成灰月明夜半無
人見畱與香魂自往來

西園詩選
橫州寄何聚薪

清明纔過柳如煙
歷盡征途意惘然
犗女淺斟茅店酒
榜人巧放下灘船
珠江風雨客中淚
鏡水鶯花夢裏天
三十六鱗通尺素
那堪聚首竟無緣

宿濂泉寺聽瀑

暮宿招提路已迷
忽驚飛瀑響前池
身疑萬頃波濤裏
夢落三秋風雨時
繞寺清音僧獨悟
入床寒氣客先知
想他界破青山色
添得勞人徹夜思

廣城畱別李仲蓮

粵東風日好浮客
最相宜玉粒調鸚鵡
金盤擘荔

支美人春結夢
公子夜敲詩
別後應相憶
羊城共醉時

Blank lined writing area on the right page.



